

Xana ndzi titsarisela njhani xibalo?

U na mihlawulo ya ntsevu ku titsarisela xibalo:

1. Ntsariselo lowu tiendlekelaka wa Xibalo xa Malinghena xa Munhu yena N'wini

Loko u tsarisela SARS eFiling ro sungula naswona u ri hava nomboro ya rheferense ya xibalo, SARS yi ta ku tsarisa hi ndlela leyi tiendlekelaka no humesa nomboro ya rheferense ya xibalo. U fanele ku va na ID leyi nga enawini ya le Afrika-Dzonga ku tsarisela eFiling.

Ku tsarisa eka eFiling:

1. Tlilika [Register](#)
2. Landzelela swiletelo

U nga tlhela u titsarisela SARS eFiling eka SARS MobiApp no landzelela magoza mo fana.

Loko u lava ku pfuniwa ku tsarisa eFiling, langutisa vhidiyo ya hina ya thuthoriyali eka SARS YouTube channel hi ku tlilika eka xifaniso laha hansi.



Tsarisa eka SARS Online Query System (SOQS)

Sweswi u nga titsarisela Xibalo xa Malinghena xa Munhu Yena N'wini hi ku tata xikombelo xa ntsariso eka [SARS Online Query System \(SOQS\)](#).

3. Tsarisa hi ku tirhisa vukorhokeri bya SARS USSD

Chanele ya SARS USSD yi pfumelela vatirhisi ku fikelela vukorhokeri bya SARS hi ku dayila khodi ya vukorhokeri. Hi ku dayila *134*7277#, vatirhisi va nyiketiwa nongoloko wa tiayitheme ta menyu ku hlawula eka wona, ku katsa na ntsariso wa Xibalo xa Malinghena xa Munhu hi Yena N'wini (PIT). Mayelana na vuxokoxoko hi xitalo endzela [SARS Mobile Tax Services](#).

4. Ku tsarisa hi ku tirhisa WhatsApp

Ku sungula mbhurusano, vahakela va fanele va tsala nxeweto, ku nga "Hi kumbe Hello". SARS yi ta hlamula hi nhlamuselo ya minyiketo ya vukorhokeri, ku katsa na ntsariso wa Xibalo xa Malinghena xa Munhu hi Yena N'wini (PIT) na menyu wa xikombelo xa vukorhokeri.

Ku burisana na SARS hi ku tirhisa WhatsApp:

- Eka foni ya wena ya mobayili: sevha nomboro ya SARS WhatsApp, 0800 11 7277, eka nongoloko wa vatihlanganisi va wena.
- Eka desikithopo ya wena: [Tlilika laha ku simeka vhexini ya desikithopo ya SARS WhatsApp](#) no landzelela swiletelo.

Mayelana na vuxokoxoko hi xitalo, endzela [SARS Mobile Tax Services](#).

5. Tsarisa hi ku tirhisa muthori wa wena hi SARS eFiling

Kombela muthori wa wena ku ku tsarisa na SARS. eFiling yi pfumelela vathori ku tsarisa vatirhi va vona na SARS eka Xibalo xa Malinghena. Vona [Guide on Tax Reference Number \(TRN\) Enquiry Services on eFiling](#).

6. Tsarisa ehofisini ya rhavi ra SARS

U nga endzela rhavi ra SARS, laha mupfuneti wa swa vukorhokeri a nga ta ku pfuneta ku tsarisa xibalo. [Tlilika laha ku kuma hofisi ya rhavi ra SARS ya le kusuhi na wena](#).

Lemuka: Loko u endzela rhavi, tsundzuka ku ta na [matsalwa lama mo seketela](#).

A wu tiyisisekanga loko u titsariserile?

Ku kuma loko u tsariserile Xibalo xa Malinghena, vutisa Muthori wa wena, tirhisa xitirho xa [SARS Online Query System](#) (hlawula “What’s my tax number?”tanihi muxaka wa xivutiso xa wena), tirhisa vukorhokeri bya SARS WhatsApp kumbe u bela SARS Contact Centre riqingho eka 0800 00 7277.

Swa kahle ku swi tiva: SARS yi nge nyiki [nomboro ya wena ya xibalo](#) eka munhu un'wana, handlekaloko munhu yaloye ku ri mutivi wa wena wa swa xibalo kumbe loyi a nga na [Papila ra Xinawu ra Vuyimeri \(POA\)](#) ku tirhana na timhaka ta wena ta xibalo.

Kombela Xitiviso xa Ntsariso (IT150)

Xitiviso xa Ntsariso (IT150) xi ta kombisa nomboro ya wena ya rheferense ya xibalo. U nga kombela xitiviso xa ntsariso hi ku tirhisa yihi na yihi na mihlawulo leyi:

- [Hi rhumeli xivutiso](#). Vuxokoxoko bya wena byi fanele byi fanana na tirhekhodo ta hina.
- Rhumela SARS **WhatsApp** ku kombela Nomboro ya wena ya Rheferense ya Xibalo. Ku sungula mbhurusano, vahakela va fanele va tsala nxeweto, ku nga "Hi kumbe Hello" ku ya eka 0800 11 7277. SARS yi ta hlamula hi nhlamuselo ya minyiketo ya vukorhokeri na menyu wa xikombelo xa vukorhokeri. Mayelana na vuxokoxoko hi xitalo, [vona vuxokoxoko laha](#).
- **SMS SARS** eka 47277 ku suka eka foni ya wena. Thayipa *TRN* yi landzeriwa hi xivandla na nomboro ya ID/phasipoto/mulavavutumberi
- Kombela xitiviso xa wena ntsariso eka vukorhokeri bya SARS **USSD** hi ku dayila ***134*7277#** no hlawula “What’s my Tax number?”. SARS yi ta ku rhumela nomboro ya wena ya xibalo eka mobayili foni ya wena no imeyila xitiviso xa wena xa ntsariso eka imeyili adirese ya wena hi ku ya hi tirhekhodo ta hina.

- Kombela xitiviso xa wena xa ntsariso hi ku tirhisa SARS **MobiApp** loko u ri eFiler leyi tsarisiweke.
- Tirhisa **eFiling** ku kombela IT150 hi ku hlawula nhlawulo wa menyu wa "SARS Registered Details".
- Vutisa **Lwazi ChatBot** leyi kumekaka eka eFiling kumbe eka SARS MobiApp.
 - Tlilika eka ayikhoni ya Chatbot no thayipa "Hello"
 - Thayipa "Menu"
 - Chatbot yi ta kombisa vukorhokeri lebyi bya Xibalo xa Malinghena xa Munhu yena n'wini:
 1. Kombela Nomboro ya Rheferense ya Xibalo
 2. Kombela Xitatimende xa Akhawunti
 3. Kombela Xiyimo xa Vuyiselo wa mali xa Ntlheriso
 4. Kombela Xiyimo xa Oditi
 5. Kombela Xitiviso xa Nhlahluvo
 6. Kombela SARS yi vuya yi ku Bela Riqingho
 - Gogosa eka nhlawulo 1 wa menyu kumbe u hlamula hi ku thayipa "1"
 - Lwazi kwalaho u ta tiyisisa vuxokoxoko bya wena hi ku ku vutisa:
 1. Nomboro ya wena ya ID/phasipoto?
 2. nomboro ya selifoni kumbe imeyili
 - Endzhakukaloko SARS yi tiyisisile vuxokoxoko bya wena, Lwazi u ta tiyisisa loko Xitiviso xa wena xa Ntsariso (IT150) xi tumbuluxiwile naswona xi ta ku imeyiriwa eka wena.
- Endzela ra **Rhavi ra SARS**. Tsundzuka ku endla [endla xitshembisano](#) u nga se endzela rhavi.

Ku sukela hi Mawuwani 2022, SARS yi tsarisa vanhu van'wana hi ndlela leyi tiendlekela mayelana na xibalo xa malinghena hi ku ya hi vuxokoxoko ku suka eka mavandla ma vunharhu. Vanhu lava tsarisiweke hi ndlela leyi tiendlekela va ta amukela SMS na papila ku suka eka SARS leri va tivisaka mayelana na ntsariso wa vona. Papila ri ta tlhela ri hlamusela leswaku vukorhokeri bya SARS byi fikeleriwa njhani no longoloxa timfanelo na swiboho swa vona.